

翼

玄

翼元卷五

宋臨邛張行成撰

綿州李調元鶴洲校定

五音分配五行

五音分配五行自日言之甲乙爲角丙丁爲徵庚辛爲商壬癸爲羽戊己爲宮自辰言之寅卯爲角巳午爲徵申酉爲商亥子爲羽辰戌丑未爲宮皆天五地五之本體也自相克言之甲乙爲角乙庚爲商丙辛爲徵丁壬爲羽戊癸爲宮則從其本體之陽而各兼所克之行也自正音相生數言之甲己爲土宮實得己爲從妻數乙庚爲金商實得庚爲從夫數丙辛爲

木丁壬爲木戊癸爲火羽角徵三聲皆無本體正音
自律調先後宮徵商羽角言之宮用甲巳得己爲土
徵用乙庚得二七之火數商用丙辛得辛爲金羽用
丁壬得壬爲水角用戊癸本數本體皆無故角無正
聲也自律數尊卑宮商角徵羽言之宮用甲巳得己
之土商用乙庚得庚之金角用丙辛得三八之木數
木數居中通上下故角居清濁之中犯四聲也徵用
丁壬得火之丁羽用戊癸得水之癸五聲天也故從
十日六律地也故從十二辰聲本以三爲主其以辰
分分屬五音者天託地地承天也是故宮徵商羽角

變宮變徵七聲之次本數在地爲子丑用未衝餘皆然

寅卯辰巳午在天爲甲乙丙戌巳庚七聲在辰惟變徵得

午之火遂爲後天之宗乃重上生大呂之丑土故納

音正數土一火二而變數火一土二也自此五變丑

爲宮申爲徵卯爲商戊爲羽巳爲角皆合六氣對化

之數午實爲君火正化生此五氣而退藏不用丑本

屬土在六氣亦爲土化其獨不變則君主也

先天用七以七律言之奇數四子一寅三辰五午七

天用奇之偶數而得十六偶數三丑二卯四巳六地

用偶之奇數而得十二故經世之數天統乎體而用

十六位地分乎用而用十二會也後天用五若以五律言之偶數三未八酉十亥十二地用偶之奇數而得三十奇數二申九戌十一天用奇之偶數而得二十亦三兩也而與易數不同先天之七律後天之五律天地皆互用者交也然先天天先地後律多於呂其數爲順後天地先天後呂多於律其數爲逆故經世用先天卽於律數同大易太元用後天則變地從天也大衍之數十五生數則天得一三五地得二四天用三三地用二三成數則天得五七九地得六八天用三七地用二七總之而天用三十地用二十也

是故乾爻用九得三之三坤爻用六得三之二者從生數之小衍也用策每爻三十爲三而十之全合掛每爻十九併虛一而二十者從生成之大衍也皆三兩也元之贊得午之數七百二十九用先天之七者去後天五律之數也五行之數一六爲水二七爲火三八爲木四九爲金五五爲土從大衍之數五十者以天地五十五之數地勝天故也皆因數之自然以明尊君卑臣之義立人之極有相之道者也十二律自子而起先天也至午而天七數終午爲後天之宗坤位在未其衝在丑重起於地之天矣

先天聲律數日月星辰皆用七者天之七變也音呂
數水音用九者承天也故本律至夾鐘而漸無調也
火土音皆用十二者以五繼七地之全數故律之變
數蒙賓重上生則十二律皆用爲八十四調也石音
用五者閉物之後浮陽退藏所存者五卽五行之本
數也以天七唱之得三十五故五音本數有三十五
調而一二三四五疊數之亦得三十五數也近世徵
調不行止用二十八則四七爲少陽用數也角無正
聲止用二十一則三七爲少陽奇數也是故天之體
八變地之用六變其數正合乎少陽二卦用不用之

策也

甲乙爲土乙庚爲金丙辛爲水丁壬爲木戊癸爲火者甲己爲坤元祖土以次爲生至火而復生土也土稱一一變而生金故金居二金二變而生水故水居三水三變而生木故木居四木四變而生火故火居五火五變而復生土五行相生備足十五變則一二三四五者天之生數五也土自此復生乃爲地六之用矣以爲正音其序則宮商羽角徵也已以陰土從甲而爲宮君道貴柔沉潛剛克也庚以陽全娶乙而爲商臣道貴剛明柔克也皆得本體故官商爲君

臣之正丙克辛生水而爲羽雖非本體去本未遠故
羽聲雖微猶得本音丁壬以木而爲角戊癸以火而
爲徵既非本體去本漸遠所以角附於商如民附於
臣徵統於羽如事附於物是故二音世多不傳齊景
公作徵角二韶崇寧間制徵角二譜皆以此也

天數五地數五十日出焉自生成而言甲爲天始乙
爲地始自奇偶而言戊爲天中己爲地中天地相依
體用相附則天始於初而終於中地始於中而終於
終廢續之義也是故甲爲乾元出震之首天之太極
也天不用十地不用一故在地則甲遁於地九而不

顯也巳爲坤元祖土之宮地之元氣也天終於五地
始於六故在地則巳先於戊五而爲主也巳配甲爲
得夫元氣從太極而能生故甲巳共爲土運居十母
之首乃生庚金坤位在未次卽得庚天道至此而更
者地代終而作成物也於是隨天左行由水迄火自
北迄南復歸於中戊與巳會返本爲土五運周流循
環不窮也自西出者陰道也由左行者隨天也以人
道言之巳爲坤元祖土則周之姜嫄亦百世不遷之
女祖也一變生庚金庚娶乙爲妻共爲金運以夫爲
主爲自用己身之數乙庚凡兩變生壬水而丙辛當

水運爲父用子數丙辛凡三變生甲木而丁壬當木
運爲一用孫數丁壬凡四變生丙火而戊癸當火運
爲祖用曾孫數戊癸凡五變生戊土而甲己復爲土
運爲高祖用元孫數於是已中有戊焉是謂戊己復
會於中一二三四五之變太極十五之數已終終則
復始矣故壬水謂至今不絕遞相生也五運相生之
變其序如此然十干相配者夫婦合也自甲而始至
癸而終一夫一婦迭主其運生有遲速故革命之際
亂有長短主有夫婦故受命之後運有陰陽堯舜禹
因而革夏商周革而因雖變不亂居陰亦陽者盡人

之道返二歸一理順而數不能逆也易曰先天而先
弗違後天而奉天時天且弗違而況於人乎况於鬼
神乎此之謂也子孫於母故元氣本於土婦從其夫
故五運首於甲然乾知大始坤作成物天之用在地
猶君之用在臣故經世運數七十六而已開物也已
始得未從子而下生則爲先天之配已旣得丑從午
而上生則爲後天之母五行雖生於太極之中俱附
於土卽太始混成土五妊養於坤是故歸藏之易首
於坤在十干則天門總六戌於西北地戶總六巳於
東南在十二辰則辰戌丑未分王四維也人物之生

俱附於地皆從其母若知母不知父亂之道也天地亦不能久而況於人物乎故聖人作易必尊乾坤扶陽抑陰也

天元五運之序起於土次以庚金自西而出次壬水甲木丙火返於戊土太元五行之序始於甲乙木自東而起次庚辛金丙丁火壬癸水終於戊己土自西出者從陰數也由右而行元氣隨天數左行地承天也所謂布氣而生物也以金生水水生木木生火火生土爲洛書母生之序順布者也天元玉策專論地之元氣故用順布之數而以甲爲首者承天也自東

起者從陽數也由右而轉自東而西乃由南而北太極隨地數

右轉天下地也所謂生氣以變時也以木生金金生火火生水水生土爲河圖父生之序逆生者也太元之數以地承天致用雖在氣生氣實由日紀氣於中首者明順布之序紀日於中宿者推逆生之原是故其言五行之數如此者從所本也天元玉策用順布太元本逆生先天卦氣圖仲季孟逆生而順布也

晉志稱楊子雲曰聲生於日謂甲巳爲角乙庚爲商丙辛爲徵丁壬爲羽戊癸爲宮詳其意蓋是以克者爲主子雲五行之次三八爲木四九爲金二七爲火

一六爲水五五爲土土克水水克火火克金金克木
自下而上相克之序也木居首者木克土而生金金
返克木而生火火反克金而生水水反克火而生土
土反克水而生木此河圖五行父生之序也東方甲
乙木生南方丙丁火火生中方戊己土土生西方庚
辛金金生北方壬癸水水復生木此洛書五行母生
之次也父生者天之氣母生者地之物子雲以木爲
日甲乙辰寅卯聲角金爲日庚辛辰申酉聲商火爲
日丙丁辰巳午聲徵水爲日壬癸辰亥子音羽土爲
日戊己辰辰戌丑未音宮者母生之形論五行之成

物也其先後之次則從逆生者父生之氣本五行之受氣也七律相變以宮徵商羽角爲次者土自中官由巽之地戶而出歷南而西從北而東復返於地戶也其序當自辰而起故辰爲地戶十二支謂之辰也天元五運由巳土生金水木火而復生土者自西南坤之巳未而起由庚而順行復返於坤宮也坤者土之母也地戶巽爲長女長女代母配長男而用事也

五聲

甲乙 角丙丁 徵戊己 宮庚辛 商壬癸 羽癸 太元

戊癸

宮

乙庚

商

丙辛

羽

丁壬

角

甲己

徵

淮南

甲巳

宮

乙庚

商

丙辛

羽

丁壬

角

戊癸

徵

天元

甲巳

角

乙庚

商

丙辛

徵

丁壬

羽

戊癸

宮

晉志

十二律

寅

角

己午

徵

申酉

商

亥子

羽

辰戌

官

丑未

太

元

子午

徵

丑未

官

寅申

徵

卯酉

商

辰戌

羽

巳亥

角

天元

子黃鐘之管

八十一

土

宮

土王

未林鐘之管

五十四

火

徵

夏

寅太族之管

七十二

金

商

大衰

金包

西南呂之管

四十八

水

羽

應秋

水浴

辰始洗之管六十四

木角應春

木衰

凡聲尊卑取象五行數多者濁數少者清大不踰
宮細不過羽曰宮商角徵羽者尊卑之序也子寅
辰未酉三律二呂三天兩地也其寔子丑寅卯辰
而呂用對衝數也

律娶妻而呂生子有二義自正音十二律言之律生
呂爲娶妻如自子生未之類是也呂生律爲生子如
自未生寅之類是也每變皆七一娶一生通本而十
五乃得二律一呂總六律六呂共八十四變而仲呂
復還黃鐘通本之一則八十五也自納音六十律言

之同位爲娶妻甲子乙丑同爲金之類是也隔八而生子自甲子八變得壬申壬申娶癸酉又同爲金之類是也每變自夫娶妻至生子而九子復娶妻則十也得二律二呂卽以所生娶者爲本自此每變而八得律呂各一總陽律三十凡一百二十變而丙辰丁巳復還甲子乙丑矣自甲午乙未而起至丙戌丁亥陰律三十亦然六十律則二百四十變也正音娶妻用對衝故一娶而七變一生亦七變陰陽各七變乃生一子二律一呂共得十五數均分之則一各得五也納音娶妻用同位故一娶而一變一生而七變陰

陽共八變乃生一子卽娶一婦二律二呂共得十數均分之則二共得五也正音者天而地之數也故七變得妻七變得子天數盈於七也陰陽各用一數者體分於兩也共得律呂三則因體起用天之用三也納音者地而物之類也故八變得子九變得婦地數究於人也陰陽通用一數者用合於一也共得律呂四則因用成體地之體四也夫妻者體也得子而用始行生子者用也得婦而體復立矣天用雖三各用五數地體雖四共用十數是故一三五七九爲天數二十五天中自以奇偶分天地則一五九爲三天之

十五而三七爲兩地之十尊者得數多卑者得數少君臣父子夫婦之義天地陰陽自然之數之理也五運六氣數起大寒則丑之中氣也太元氣起冬至則子之中氣也日起朔旦則寅也先天體數起冬至則子之中氣而中朔同起也用數起開物在月則寅之中在氣則二月初起之驚蟄也元始於春分則卯之中氣帝出乎震也素問六脉初氣起於冬至後甲子當是甲巳日子時甲巳還生甲也天之三陽起於春分則與先天理同洛書數一六爲水地也二七爲火南也三八爲木東也四九爲金西也五十爲土中

也太元以五五爲土者地虛五以承天從天數也天元玉策甲巳土運乙庚金運丙辛水運丁壬木運戊癸火運則土爲一六金爲二七水爲三八木爲四九火爲五十者本於一二三四五之變數而五氣當之也五音五運之次變調五音之次亦如先天八卦皆以變數先後爲次也

太元言聲生於日荀氏謂甲巳爲角

木乙庚爲商金

丙辛爲徵

火丁壬爲羽水戊癸爲宮土者以甲庚丙

壬戊五陽數爲主而陰則從夫也甲數一以乙當己則乙爲大庚數七以辛當乙則辛爲二丙數三以丁當辛則丁爲八壬數九以癸當丁則癸爲四戊數五

以巳當癸則巳爲十是故經世卦氣圖數以一六爲
飢饉者木數也二七爲兵戈者金數也三八爲火旱
者火數也四九爲水潦者水數也五十爲中興者土
數也與甲巳爲木乙庚爲金丙辛爲火丁壬爲水戊
癸爲土之數合矣若以各書數配十干則甲巳爲水
乙庚爲火丙辛爲木丁壬爲金戊癸爲土淮南玉律
數以戊癸爲宮甲巳爲徵乙庚爲商丙辛爲羽丁壬
爲角每音七變如自戊子爲宮七變而以未爲徵又
謂不從十二辰以七而變七變而使寅爲商之類他可類推
而十干不動謂不從十二辰以七而變若自戊癸爲宮以干而變
七調從宮徵商羽角相生之次則戊七變生乙爲徵

乙七變生壬爲商壬七變生己爲羽己七變生丙爲
角丙又七變生癸配戊爲官癸又七變生庚配乙爲
徵庚又七變生丁配壬爲商丁又七變生甲配己爲
羽甲又七變生辛配丙爲角卽應洛書五行之數矣
此雖名七變通本實八若止以六變通本爲七者戊
六變生甲甲六變生庚庚六變生丙丙六變生壬壬
六變復生戊矣癸六變生己己六變生乙乙六變生
辛辛六變生丁丁六變復生癸矣卽是淮南南王五
音變調之次而合乎火土金水木相生之序也陰陽
奇偶分兩各行不相配者蓋七天也八地也有地然

後有二陰陽相配也若仍以八變而從宮商角徵羽
尊卑之次則戊七變生乙爲商乙七變生壬爲角壬
七變生己爲徵己七變生丙爲羽丙又七變生癸配
戊爲宮癸又七變生庚配乙爲商庚又七變生丁配
壬爲角丁又七變生甲配己爲徵甲又七變生辛配
丙爲羽十干合爲五音卽應淮南王之數故世言五
音宮商角徵羽者其序蓋由此也世又言五行金木
水火土則納音數東九南三中一西七北五之序也
淮南王六十律每月用五聲五律聲數用十干律數
用十二支干數以戊己庚辛壬癸甲乙丙丁由中而

起依次而行支數以子未寅酉辰亥午丑申卯戌巳
由初而起隔八而行者十二支呂數用對衝之位故
也若用本數則亦依次而行矣干屬天支屬地故不
同也

乾一戌一申一午一辰一寅一子

坤一酉一亥一丑一卯一巳一未

此易軌偶卦數本取天日之合而陽用本位陰用對
衝位者也子與丑合寅與亥合辰與酉合午與未合
申與巳合戌與卯合此天日之合也六十四卦合爲
三十二而用每月進一辰六用而復初子未再直初

爻

乾一戌一申一午一辰一寅一子

坤一巳一卯一丑一亥一酉一未

此天律數爲用否泰者也十二律隔八相生之數子
未寅酉辰亥午丑申卯戌巳相偶者陰陽進退各一
位故陽得本位陰得衝也具細數於下

天元十二律呂分支定卦爻之數

黃鐘子之氣

十一月建子少陰對化司天黃鐘數得三十九應地雷復卦初九爻乾音

大呂丑之氣

十二月建丑太陽對化司天大呂數得四十二應風地觀卦六四爻坤音

太簇寅之氣

正月建寅少陽正化司天太簇數得四十五應地澤臨卦九二爻乾音

夾鐘卵之氣

二月建卯陽明對化司天夾鍾數得四十八應山地剝卦六五爻坤音

姑洗辰之氣

三月建辰太陽對化司天姑洗數得五十一應地天泰卦九二爻乾之音

仲呂巳之氣

四月建巳厥陰對化司天仲呂數得五十四應坤卦上六爻坤音此六呂之音也

蕤賓午之氣

五月建午少陰正化司天蕤賓數得四十八應雷天大壯卦九四爻乾之音

林鐘未之氣

六月建未太陰正化司天林鐘數得四十八應風天風姤卦初六爻坤之音

夷則申之氣

七月建申少陽對化司天夷則數得四十五應澤天夬卦九五爻乾音此六夷之音也

南呂酉之氣

八月建酉陽明正化司天南呂數得四十九應火天山遁卦六二爻坤音此六南呂之音

無射戌之氣

九月建戌太陽正化司天無射數得三十六應乾卦九爻乾音此六無射之音

應鍾亥之氣

十月建亥厥陰正化司天應鍾數得三十六應天地否卦六爻坤音此六應鍾之音

元包用策自坤之六陰得三十六以三而進至五

陽成夬得五十一自乾之六陽得五十四以三而退至五陰成剝得三十九其大數與天元同所不同者元包以乾坤分生成二卦各行乾皆用進數坤皆用退數天元以乾坤分奇偶二爻間行乾亦有退數坤亦有進數元包乾坤自下而上各用本爻天元乾用本爻坤用應爻元包主卦天元主律卦用乾坤律用否泰所以不同乾自子而生則坤當配以午陰退一位故自未至巳六位得衝數也自子至巳得乾下坤上成泰自午至亥得坤下乾

上成否

天元五運相生圖

己土當

甲巳

申克巳 庚金當

生庚 乙庚

庚克乙 丙克辛 壬水當

生丙 生壬 丙辛

丙克辛 壬克丁 戊克癸 甲木當

生壬 生戊 生甲 丁壬

壬克丁 戊克癸 甲克己 庚克乙 丙火

當

生戊

生甲

生庚

生丙

戊癸

戊克癸

甲克己

庚克乙

丙克

辛

壬克丁

戊土當

生甲

生庚

生丙

生壬

生

戊

甲巳

荀氏云楊子雲曰聲生於日者謂甲巳爲角乙庚爲商丙辛爲徵丁壬爲羽戊癸爲宮也蓋天元五運自甲乙爲坤元祖土之宮五變至戊癸當丙爲火運而五氣足第六變自戊克癸生甲至壬克丁生戊卽此五聲之序也天元五運順布子雲五聲逆行順布者

以己爲母逆行者以甲爲父

淮南王以十干配五聲比天元惟土火相易餘皆同
太元納音數大數則土居一火居二小數則火居一
土居二蓋論樂之體則生於宮論樂之用則出於虛
也土與水同生與火同用故在納音一五之數則土
與水相易也

太元納音數

五運六氣夫之五行也五音六律地之五行也納音人之五行也

甲己爲土乙庚爲金丙辛爲水丁壬爲木戊癸爲火
者天之五行也十干者天之陰陽也陰陽配合冲氣
始生甲首偶己土乃居一自此相生以至戊癸爲火

而復生土焉周流轉運如環無端故其序如此也亥子爲水寅卯爲木巳午爲火申酉爲金辰戌丑未爲土者地之五行也十二支者地之柔剛也五氣旣合大物已生四方奠位五氣行焉北方寒寒生水亥子在北故爲水東方風風生木寅卯在東故爲木南方熱熱生火巳午在南故爲火西方燥燥生金申酉在西故爲金中方濕生土中無定位寄在四維故辰戌丑未爲土夫十干圓布者天之二五之用也十二支方列者地之二六之用也以其方列故四行各占一方惟土制中分寓四旁以其圓布故甲對己乙對庚

丙對辛丁對壬戊對癸通貫上下主五運於兩間也
若乃天無體託地以爲體地無用承天以爲用六氣
從五運則亦圓布十干從十二支則亦方列是故壬
癸與亥子同在北爲水甲乙與寅卯同在東而爲木
丙丁與巳午同在南而爲火庚辛與申酉同在西而
爲金戊己在中與辰戌丑未同爲土天地合而生萬
物此造化之用也故干始於甲支始於子而甲乙寄
干位起寅卯不在子丑者主地上之用而言隨地之
方也支干相配爲六十則人之五行也推本天地配
合之原而納音生焉與天地大數不同者人物之細

數也元元日一六爲水以其在北也二七爲火以其在南也三八爲木以其在東也四九爲金以其在西也五五爲土以其在中也此五行本數也判於四方者也又日子午之數九丑未八寅申七卯酉六辰戌五巳亥四甲巳之數九乙庚八丙辛七丁壬六戊癸五此納音之數也因所得於天地合數而判於四方者也混元肇分天甲地子始相遇於北方支干上下相附而行五六相乘乃周六十在天則六十日在地則六十律也同位爲娶妻隔八而生子自甲子相生至丁巳凡三十爲陽自甲午相生至丁亥凡三十爲

陰陰陽之分不相襲而得數則同始自甲子娶乙丑
隔八生壬申壬申娶癸酉隔八生庚辰以至於戊申
娶己酉隔八生丙辰丙辰娶丁巳則復生甲子矣自
甲午以至丁亥凡三十亦然故陰陽相生子午不相
沿襲也每三十位之中子午各三變而復均爲五數
各得六位一生一娶兩兩相從三位而已類聚三位
之數五以去之五行之生本於天五冲氣視其不盡之陽村之以
法則知納音之原矣陽娶妻陰生子子得父數陰則
九爲不盡之餘數卽從天故九位之中以一三五七
見五行所得之數也初三位得八十二去七十五所
餘者七次三位得八十三位去八五所餘者三又次

三位得七十九位去七五所餘者九又次三位得八十去七十五所餘者五末三位得八十一倍去八五所餘者一夫九九老陽之氣中者物生之本八十一之數得一極九而又當五數之中故爲土數居中得一以爲四行之主其氣數自東而出隨天左行至九而極三在南爲火數五在北爲水數七在西爲金數九在東爲木數其法先以土之甲子十二分布以四方居一而爲主也四物待土而行羣數皆附土類聚其納音之數從干順數遇支與土同則止卽是其數也五物旣成氣以順布土始與四行均爲五用兩

相合所得之數仍以五去之火得一起於甲乙土得二起於丙丁木得三起於戊己金得四起於庚辛水得五起於壬癸四尚行焉百物生焉聲音律呂之數是爲萬物之數聖人用之定律呂以作樂故能調和元氣燮理陰陽而遂萬物之宜也各具圖於後

十二律娶妻生子圖

律生呂爲娶妻
呂生律爲生子

黃鍾	子	乾	初	林鍾	未	坤	初	太簇	寅	九	蕤賓	午	九	大呂	丑	六	南呂	酉	六	中呂	巳	上
姑洗	辰	九	三	土	應鍾	亥	六	太簇	寅	九	蕤賓	午	九	大呂	丑	六	南呂	酉	六	中呂	巳	上
夷則	申	九	五	金	無射	戌	土	蕤賓	午	九	蕤賓	午	九	大呂	丑	六	南呂	酉	六	中呂	巳	上
在	十二	律	五	音	則	自	子	至	巳	已	復	還	子	在	六	十	律					

在十二律五音則自子至巳已復還子在六十律

納音則子午各生兩不相襲此元所謂同本離末
天地之經故天一地二也

六十律納音同位娶妻隔八生子圖

甲子乙丑金壬申癸酉庚辰辛巳火戊子巳丑火

丙申丁酉水甲辰乙巳木壬子癸丑木庚申辛酉

戊辰己巳土丙子丁丑水甲申乙酉水壬辰癸巳土

庚子辛丑土戊申巳酉水丙辰丁巳火甲午之數同

大數用一三五七九之奇數小數用一二三四五之生數也

已上係甲子所生至丁巳則反生甲子申酉在子丑辰巳之

中與寅卯相易所謂虎舍水居離

甲午乙未

金三十四

壬寅癸卯

二十

庚戌辛亥

起庚辛二十四

戊午己未

火三十一

丙寅丁卯

二十一

甲戌乙亥

起甲乙二十六

壬午癸未

木二十八

庚寅辛卯

二十

戊戌己亥

起戊己二十三

丙午丁未

水十一

甲寅乙卯

三十一

壬戌癸亥

起壬癸三十

庚午辛未

土十二

戊寅巳卯

七十一

丙戌丁亥

起丙丁逆三十皆

甲子之數同

布此水數也

已上係甲午所生至丁亥則復生甲午

寅卯在午未戌亥之

中與申酉相易非謂龍舍火居坎此龍虎交法也

十干者矢氣也十二支者地氣也

天地奠位分陰分

陽天則或以自甲至戊爲陽自巳至癸爲陰或以甲

丙戌庚壬爲陽乙丁巳辛癸爲陰者皆二五也地則
或以自子至己爲陽自午至亥爲陰或以子寅辰午
申戌爲陽丑卯巳未酉亥爲陰者皆二六也陰陽通
氣迭用柔剛天則或以甲與己乙與庚丙與辛丁與
壬戊與癸或以甲與乙丙與丁戊與己庚與辛壬與
癸相從者皆五二也地則或以子與丑寅與亥卯與
戌辰與酉巳與申午與未或以子與丑寅與亥卯與
巳午與未申與酉戌與亥相從者皆六二也若夫支
干五六二中又相配偶天中有地地中有天陰陽各
三十者十五而三十也七八九六之合也通之爲六

十者三十而六十也七八九六合而又偶之者也故自甲子至丁巳爲三十陽自甲午至丁亥爲三十陰自十與十二者言之則一陰一陽因襲不離自三十與六十者言之則二陽二陰相間而行子午各生不相沿襲干以十而復初支以十二爲復初甲子以六十而復初陰陽五行變化逆順之情可得而考矣易有六爻則用十二支而析陰陽爲二者也元有九贊則用十干而并戊己爲一者也天之用在地地之數在天故易爲天數元爲地數至於甲子爲萬物之數先天之運世聲音太元之律歷皆用之天地之用本

以生物故也

翼元卷五

翼元卷六

宋臨邛張行成撰 綿州李調元鶴洲校定

五行支干相合數

克 甲木

克 丙火

克 戊土

克 庚金

克壬水

丁火

未土

一六水數而甲己爲土運二七火數而乙庚爲金運

四九金數而丁壬爲木運皆相克也三八木數而丙

辛爲水運五十土數而戊癸爲火運皆相生也

右以克爲合皆夫婦也

此以天地
相對爲合

克 甲木

克 辛金

克 癸水

克 乙木

克 丙火

未土

右相生爲子母相克爲夫婦生成之合也

以天地
相應爲合

納

音

圖

右圖以土爲一由東左行陰數不用至九而極三居南故爲火數五居北故爲水數七居西故爲金數九居東故爲木數五位以定先以土之甲子十二分布

四方居一而爲主也四物待土而行故取數之法從
干順數遇支與土同則止卽應其數也

至辛遇正而得七故甲子乙丑爲金化皆倣此

如甲至庚遇子而得七乙

再思之而得其義蓋五行之用數也土爲主故不本乾坤之數用爲主故不從本數人爲主故不取陰數何以言之天一生水地六成之地二生火天七成之天三生木地八成之地四生金天九成之天五生土地十成之天地合而生五行也洛書以相生爲序者母生也河圖以相克爲序者父生也二者不同要之皆本乎天地也若乃十干之氣配乎八卦壬甲爲乾乙癸爲坤庚爲震辛爲巽丙

爲艮丁爲兌戊爲坎巳爲離土之納音自子至午自午至子獨用六子戊巳居中得位而不取壬甲乙癸者有土之後坎離用事則乾坤退藏是故言道者其始無首其卒無尾而以中爲極也本生者先推乎天原用者必由乎上是故六十甲子謂之支子者取木之義十二支謂之辰者主土而言氣至寅而始見木非土而不生是圖自土而起從東而行火得其三水得其五金得其七木得其九納音之數若合符節故曰土爲主不本乾坤之數也氣兆於未形之初聲出於有體之後氣者物生之本聲者物用之先以水居

一者主生而言故子爲元真以壬癸爲精其氣最微
以土居一者主用而言故子爲黃鍾以戊己爲宮其
聲最巨造物之初生爲大故五行作鹹作甘之序水
居一而土居五也生物之後用爲大故五音爲君爲
物之序土居一而水居五也此圖以土爲一以水爲
五是謂納音之數五行取納音數者支干者陰陽之
氣也合而遇土得所栽培則壯而致用聲色臭味者
萬物之用而聲爲之最然五行之性有以克爲用者
有以王爲用者金逢火而成器木值金而成材金木
以克爲用故人之血氣當制之使適中而不可縱也

火遇水則滅遇木則傳火以生爲用故人之神當養
之使有餘而不可傷也若夫水土者一體而生相資
而成故水土同包中北同方一卽五五卽一在人則
元胃通氣竇必相益虛必相損而王者得一用中本
非二道也夫不得金而用金之用見於木則以九居
木位而木用九數也火得木而用木之用見以火則
以三居火位而火用三數也金得火而用火之用見
於金則以火居金位而金用七數也水土相須而用
則以互居其位而交用其數也故曰用爲主不從本
數也皇極經世陰陽柔剛變化之數各一萬七千二

十四天地相唱和日辰合者各八千五百七十六不合者各八千四百八十八其不合者八分之天地各得二百五十六位合乎律呂圖之位數位得三十三十三者十六與十六偶而有一焉在天者爲陽陰自交在地者爲柔剛自交邵雍所謂陽交於陰而生蹄角之類陰交於陽而生羽翼之類剛交於柔而生根荄之類柔交於剛而生枝條之類是也其合者止可七分天地各得一百二十八位合乎卦氣圖之位數位得六十七六十七者三十三與三十三偶而有一焉在天者爲陰陽交於柔剛在地者爲剛柔交於

陰陽康節所謂陽與剛交而生心肺陰於柔交而生
肝膽柔於陰交而生腎膀胱剛與陽交而生脾胃是
也蓋物得天地之偏人得天地之全爲人得天地日
月交之用他類則不能王水曰人不與萬類同五蟲
之中惟人應其納音餘皆不應故納音主人民蓋納
音山日辰相配而生是故天有八象地有八象人有
十六象者天地合而生人猶父母合而生子也納音
單用奇數者陰陽支干皆合統之有宗地從夫婦從
夫之理也若奇偶並用則有合不合者矣經世律呂
圖與太一遁甲數皆是也故曰人爲主不用陰數也

易天一地二至天九地十之數自少而至多亥甲巳子午九至己亥四戊癸五之數自多而至少者體用不同也體自下生積少成多長數也用自生布分多爲少分數也

正音起於甲納音起於庚從土也天道始於甲至庚而更矣納音用甲己子午數者火起甲乙得一樂出虛由天作也土起丙丁得二官爲君也水起壬癸得五羽聲最微也木起戊己得三金起庚辛得四三四在二五之中全木當東西致用之位各從本數也易天地五十五數者本數也大衍五十數者用數也

立五行五十數者體數也納音二十五數者用數也
宮爲君商爲臣角爲民羽爲物皆實體也徵火也火
本虛故爲事事亦虛位無足體也

納音起於四方

甲子乙丑金 壬申癸酉 壬辰辛巳

戊子己丑火 丙申丁酉 甲辰乙巳

壬子癸丑木 庚申辛酉 戊辰巳巳

丙子丁丑水 甲申乙酉 壬辰癸巳

庚子辛丑土 戊申己酉 丙辰丁巳

自甲子至丁巳復還
甲子得百二十甲子

甲午乙未金 王寅癸卯 庚戌辛亥

戊午巳未

火

丙寅辛卯

甲戌乙亥

壬午癸未

木

庚寅辛卯

戊戌己亥

丙午丁未

水

甲寅乙卯

壬戌癸亥

庚午辛未

土

戊寅己卯

丙戌丁亥

自甲午至丁亥得過
甲午得百二十甲子

十二辰數共七十八以五千乘之得三百九十九日

數共七十以六支乘之得四百二十總六十甲子得

八百一十甲子甲午各三十則四百有五也四十五

者一節而三氣九候也三百六十者四十五之八而

四百五者四十五之九也納音大數土一火三水五

金七木九共得奇數二十五合之則五十餘七百六

十者四象歸奇七十六而析一爲十則物數也細數
火土二木三金四水五共得生數十五合之則三
十餘七百八十者律呂數七十八而析一爲十則生
物數也大衍之數五十者天得三而三十地得兩而
二十皆天之天地也七百六十之物數加兩地之二
十則七百八十爲律數也地之生物之氣也納音數
盡加三天兩地之五十得八百一十爲人民者以其
得天五冲氣之數也太元五行本數五十納音一三
五七九而子午各用亦爲五十或去十而重用午或
去偶而重用奇皆去地從天也太原六十甲子納音

數共八百一十總一歲四千二百八十三時得甲子
旬用七十三人盈三時計得數五萬九千一百七十
有半以七十二策爲日法一歲得二萬六千二百九
十八

五行數每首四十五通八十首計三千六百加養育

四十五水火二贊三共四十八總三千六百四十八

每九首得五行數四百五則納音三十甲子之數總

八十一首得一百七

丁卯子之數爲體數之用加水

火二

贊爲眞數三以當三甲子則一以生九十共二

百七

十三也後天卦氣圖冬夏二至各得卦數二百

七十三元準卦氣六十卦而納音得其半者天地合

而生人父母合而生子子旣生則從父人旣生則從

天故元爲地承天之數宗於天一也六十四卦得數

五百六十五卦氣圖云日卦之數三十用五百四十

卦

卦

卷六

七

六元納音數二百七十
三則不准四卦可知矣

每首四日半計五十四時得
日策三百二十四得甲子納音數七百二十九許一
千五十三又加五行數四十五計一千九十八得一
百八十三之六河圖數天自一起以三而變四變復
返於一地自二起以兩而變四變復返於二得衍數
一百八十三在體爲一在用爲六太元策用之六爲
天之六用也總八十一首用河圖天一地二之變數
四百八十六周則二百四十三表之合也

每首曰策三百二十四者三十六之九也納音數七
百二十九者八十一之九也五行數四十五者五之

九也每贊得老陰極數三十六以爲運行數得老陽
極數八十一以爲生物數得五行數五則天之冲氣
也

太元辰數七十八正得自一至十二之積數日數七十
比自一至十之積數五十五爲盈十五者加其一
二三四五之十五爲三元之冲氣也天用生數十五
地用成數四十合天地以生人而屬乎天則人亦用
生數十五故人稟天冲氣而靈貴於物也皇極經世
以百三十三爲日數應一卦聲音之用數則十日之
數五十五而十二辰之數七十八也元數加十五者

經世日數兼言人物元之納音專主人民故也每贊六十得甲子納音數八十一若以三十六爲運行日策數餘四十五得一首五行之數總八十一首得五行數九倍當二千四百三十甲子通五行數爲十則二千七百甲子納音數也元八十一首在運行得三百六十四日半在納音得體數之用三百七十而折一爲十也

納音子午分兩數

申酉土辰巳金 辰巳自甲乙至壬癸申酉自丙丁
辰巳木子丑土 至甲乙子丑自戊巳至丙丁皆爲

子丑

火

申酉

木

火一土二木三金四水五之次每

戊己

庚辛

二辰歷十干得六十甲子六辰則

百八十甲子者以十二支爲主也

土一

水

五

火一

木

三

水

五

金

四

辰巳子丑申酉丙丁

壬癸子丑辰巳申酉

甲乙

自甲辰至己丑爲火一自丙辰至

辰巳

火

辛丑爲土二自戊辰至癸丑爲木

申酉

水

三自庚辰至乙丑爲金四自壬

子丑

金

辰至丁丑爲水五每三位自初

起至復本各得一百二十甲子

卷之二
總六百甲子者以五行爲主也

人中申子起於甲

得甲子甲申甲辰

甲子甲午各主三十及陰陽相須而用則隔一間行所謂分陰分陽迭用柔剛也

納音之數本由逆生及順布則火一土二木三金四水五故地下甲子自甲戌乙亥之火左行至丙午丁未之水而終人中甲子自甲辰乙巳之火左行至丙子丁丑之水而終逆生故隔八相生以子午爲主則土居中而金火木水之序右行自西南入東北也逆生者總得二百四十甲子則次离之用天從地而右

行也故起甲子甲午午爲天中子爲地中也順布者
總得三百六十甲子則乾坤之用地從天而左行也
故起甲戌甲辰戌亥天門辰巳地戶也故二百四十
者地之二也三百六十者天之三也一千二百者人
之十也

土寅卯 成亥金 戌亥自甲乙至壬癸寅自丙
木戌亥 午未土 丁至甲乙午未自戊已至丙
火午未 寅卯木 丁皆爲火一土二木三金四水
戊己 庚辛 五之序每二辰共歷十年得
六十甲子六辰共百八十甲子

總十二辰得三百六十甲子矣

土二

水五

火一

木三

水五

金四

戊亥午未寅卯丙丁

壬癸午未戌亥寅卯

甲乙

自甲戌至己未爲火一自丙

戊亥

火一

戌至辛未爲土二自戊戌至

寅卯

水三

癸未爲木三自庚戌至乙未

午未

金四

爲金四自壬戌至丁未爲水

五五行各三位自初起至復

本各百二十甲子總六百甲

子總三十位則二百甲子矣

地下甲子起於甲戌得戊甲午甲寅

南北爲經陰陽正故午則日在午子則日在子東西爲緯陰陽交故卯則日在酉酉則日在卯

申酉

龍含火而居坎坎位在西方虎

寅卯戌

含水而居离离位在東方先天

未木色木胎亥卦也陽性動則速陰性靜則

午

納音數子

遲离中有陰爲情也故自行

巳

金胎金色丑

舒遲坎中有陽以陽爲性

辰酉申

地故月行疾速皆离

卯寅

參同契曰剛柔迭興更歷分部龍西虎東建緯卯酉
刑德並會俱相歡喜刑主殺伏德主生起二月榆死
河魁臨卯八月麥生天崗據酉子南午北元爲綱紀
朱敬一曰言陰陽交結也南北爲經東西爲緯舉東
合西魏魄相扶刑中有德德中有刑如二月榆死八
月麥生二月少陽草木生發而榆落者以金胎於卯
木則生氣中含殺氣也八月少陰草木黃落而麥生
者以木胎於酉金則殺氣冲含生氣也五月太陽之
中而一陰生以子之水胎於午也十一月太陰之中
而一陽生以午之火胎於子也午南子北未濟也子

南午北則交而既濟矣龍東虎西則交而隨矣南北氣交而刑不交故爲經東西刑氣俱交故爲緯也

二五散而爲十干二六散而爲十二支十干合而成五音十二支合而成六律支干配合納音生焉在天則六十日在地則六十律也十與十二歷數天數也天之陰陽地之柔剛各未合天之一也五與六律數地數也天之陰陽地之柔剛各自合地之二也五六交而成六十甲子納音數人民數也天之陰陽地之柔剛兩相合人之三也康節之書元會運世用十二與三十各行者歷數也聲音律呂用四與四十八始

則自交者本數地數也終則相交者用數物數也十二者六而兩之三十者十而三之四十者十而四之四十人者十二而四之十者五也十二者六也五六天地之中故其書立五而名曰皇極其曰經世者三十年爲一世以日之變三十爲主天之運行數也曰觀物者三十加二閏得萬有一千五百二十當萬物之數以地之位十六而三十二爲主地之生物數也乾坤之策三百六十當朞之日又三十之則一萬八百故運行之數以一萬八百爲一會則三十偶卦之策數而三十年之日數也若三十二之則萬一千五

百二十故生物之數以萬一千五百二十當一會則
三十二偶卦之策數而三十二年之日數也元會運
世一運分十六位得十六卦以陰數合之則三十二
位而三十二卦也是故康節經世數則易乾坤之策
數而自相乘觀物數則易三篇之策數而六倍之也
觀物有二數有生物之數又有動植數則易五百十
二卦掛一之蓍十析而四之之數其用數見於律聲
則易歸奇合卦之策七與爲日之用數者天包地故
日兼辰也經世動植用數各一萬七千二十四各以
均於卦氣圖一百二十八位每位得一百三十三者

理正在乎此也太玄子日數上去一二三四下去十
取其中自五至九之五數偶而用之甲己九乙庚八
丙辛七丁壬六戊癸五共七十在本數則一三五七
九陽日得二十五者五五也二四六八十陰日得三
十者五六也其數爲地多於天陰勝於陽偶而用之
各得七五三十五則五六皆從天七之用天地之數
始均矣于辰數上去一二三下去十與十一十二取
其中自四至九之六數偶而用之子午九丑未八寅
申七卯酉六辰戌五巳亥四共七十八在本數則一
三七五九與十一律數三十六者六六也二四六八

十與十二呂數十九數也其三數皆以支干爲用則
用歸與人物與太元之意合故物數二百六十四者
太元全著一首八揲之數也地數二百五十六者太
元除卦一首八揲之數也三十者三五而合之七八
九六也三十二者十六而合之八卦四象也七者天
之贏數十九者天地之終合也觀物地之二位共
得天之十四律以爲甚天之二位共得地之十九呂
以爲基合四位三十三則太元之著也

太元爲納音數與觀物數合

一二三四五六七八九十者十日之數也得五十五

加十一與十二者十二辰之數也得七十八總二數而一百三十三是故先天乾坤十六位得數一百四十四去乾之二去泰之九各用七位共一百三十三四十二者六七也其數爲呂多于律陰勝于陽偶而用之律數四十二呂數三十六則天地互用律呂之數始正矣辰數惟律呂互用于本數初無加損日數於本數之外自然加一十有五辰數均之則一律二呂共用十三者閏歲之月數也日數不加則一陰一陽共用一十者五六之合天地匹用加十有五則日各用七獨從天之用矣是故元之日辰數比先天日

數多其十有五也 元以日辰相偶五配六者得三百九十而六配五者得四百二十通八百一十爲六十甲子之數則九九而十折之者也納音自此出焉民人之生無逃于此焉是故一龠之黍千有二百而一龠之分八百一十者陽數四百二十爲寔陰數七百八十爲虛寔各半陽一陰二之理也

太元以一六二七三八四九五五爲五行數共得五十通日辰數一百四十八爲一百九十八則蓍策十三而六之爲三元各用其二每元得六十六與觀物八十八去一用三之數合矣

邵康節先生曰天以獨運故以用數自相乘而以用數之用爲生物之時地偶而生故以體數之用陽乘陰爲生物之數二百五十六者地之位數也二百五十者體數之用也陽乘陰者以二百七十乘二百五十一得六萬九千一百二十當六會物數則卦氣圖生物全數而半之也又半之得三萬四千五百六十則三會物數在地者用其半在物者用四之一也于二百七十之中去四者存地之體也餘二百五十六則月數之用百三十三而偶之也以乘二百五十六得六萬八千九十六半之則三萬四千四十八者三

會物數而一陰一陽各存地之四位二百五十六者也以均分於卦氣圖一陰一陽各用二百五十六位每四位通得二百六十六甲子共一百三十二之中甲子合者六十七則人數也不合者六十六則物數也甲子合者焉納首數故生民入也觀物動植物用數起於寔用數二百六十四者六十六之四均爲物數也以分於百二十八位每位得百三十三者六十六偶之而加一焉乃分民人於物數矣夫六十六者三十三而偶之也三十三者十六偶之而加一焉十六者地之全體也十六相偶無一者爲地得一者爲物

也三十三相偶無一者爲物得一者爲人也蓋無地
一則不成物無天一則不爲人也一者太極也合之
則一散之則五故一二三四五者天之生數太極本
體也自一至五總其大數則爲五積其細數則爲三
五者三才各具冲氣也十五之數老陰老陽以九六
分之爲天之陰陽者用之變也少陰少陽以七八分
之爲地之柔剛者體之常也合之爲三十故一月之
日三十陰陽各之朔望各半也本數止有十五者體
本乎天陰則分陽而已太元日數獨加十五者夫豈
子雲之私意哉蓋民受天地之中以生所謂命也日

辰本數得一百三十三去其始本以五六中數偶而用之自然盈其二五是故人在天地間獨靈貴于萬物也觀物以地爲主通用人物數數二百六十六數之中人得一百三十四物得一百三十二人比於物獨一陰一陽之真太元以納音爲主專用人民數故一百四十八數之中去其百三十二爲多十有六數則太極之真一與三才之冲氣人寔備之矣是故乾得一一坤得八八多寡不同其歸一也

論禮樂生於律歷

禮樂生於律歷律歷生於數數祖于易易以八爲卦

以六爲爻八者體也四之偶也方者圓四徑一四者地之方也六者用也三之偶也圓者圓三徑一三者天之圓也天無體託地以爲體故卦始于四象而成于人也地無用承天以爲用故爻始于三畫而重于六也歷以正三辰五星之時於天所以求天數也起于四者天託地以爲體故以方體圓也然體無用不行雖以方數立體必以圓數致用者從體起用圓者終圖也律以通三統五行之氣于地所以求地數也起于三者地承天以爲用故以地用方也然用無體不立雖以圓數致用必以方數數五體也攝用歸體

方者終方也蓋歷者象也其體本方一年之歷分四時者方數也以天統乎體圓者先立其體故也律者聲也其用本圓黃鍾之律分三分者圓數也以地分乎用方者先致其用故也是故聖人之制歷也先方後圓而制律也先圓後方蓋圓者之用不以方體之則其象參差而不齊方矣不濟以圓則忽微之數將伏匿而難盡方者之體不以圓用之則其聲窒遏而不揚圓矣不濟以方則條暢之音或散蕩而無檢是故歷象分於四時者方也四時定於閏月者圓也律孔徑乎三分者圓也音正於肅之六十四者方也自

歷言之日欲方而月欲圓自律言之聲欲圓而音欲
方方圓相濟天地相資此律歷之大本也歷以知天
地之時定三元五德正朔服色名數制度由此而立
禮之所以生也禮者履也先致其尊者從地之方也
禮勝則離必文之使中乃不離矣體起用之意也律
以調天地之氣播五聲八音均調歌舞鐘鼓笙磬由
此而備樂之所以成也樂者樂也先致其親者從天
之圓也樂勝則流必節之使和乃不流矣用歸體之
意也經曰禮樂合天地之化致百物之產天地百物
皆有數焉知其數以制中禮則檢刑有節不傷百物

之生而可以養天地之氣知其數以作和樂則檢情
有度不傷天地之氣而可以養百物之生夫禮出乎
歷四以地制者爲其本於象從地之方也其爲用也
以節百物於明而贊天地之化於幽則自陽而達於
陰也樂生乎律曰由天作者爲其本於聲從天之圓
也其爲用也以通天地於幽而遂百物之產於明則
自陰而達於陽也天託乎地地承乎天天地相函陰
陽廢績一息不離惟深者能通其情惟精者能窮其
文故知禮樂之情者能作識禮樂之文者能述豈日
小補之哉

元衝

易經六十四卦者天之體地也八八之卦其刑當方其數則偶之二然序卦上下二經相襲而行者一也天地合爲一用也元以八十一首準易緯卦氣圖六十卦者地之承天也九九之首甚刑當圓其數則奇之一然衝以冬夏二至相對而用者二也陰陽分於二氣也

元錯

先天以乾坤互變各成六十四卦者萬象宗于乾坤也易六十四卦兩兩反對相從分陰分陽各成乾坤

者萬物皆具一乾坤也是故易爲天數其用實在物也序卦者大數之經也雜卦者細數之變也衝之於元一經數也錯之於元亦變數也元錯紛紜叢雜既非其偶又非其次兩兩相比惟以理而爲宗則人易之義也是故易以兩卦卦從者陰陽合德剛柔有體天之物也序卦以理次之則通於一矣元以二首對用者日月運行一寒一暑天之氣也散而錯居不復相比則天高地下萬物散殊物之情也元錯以理比之則得其偶矣是故天下之象生乎數而數生乎理理之所在象數斯行無不通矣

牝牡羣正以攤吉凶

易以兩卦直一年二爻分奇偶元以兩首直九日二
贊分晝夜皆爲陰陽牡牡易之卦爻牝牡皆無奇元
之首贊牝牡皆有奇易用偶數元用奇數用偶數者
天體乎地用奇數者地宗乎天也

日動而東天動而西天日錯行陰陽更巡

先天之卦右行者天之太極從地數而生氣也左行
者地之元氣從天數而生物也右行者未有一陰陽
相繼各五變而反生天之生氣所以造物也左行者
已有一天日相應各五變而相交地之生物本於布

氣也是故右行者六變天生地也左行者五變地承天也六變者先天也五變者後天也元之書日起於牛宿氣起於黃宮者天日錯行後天之用故康節謂元爲地承天之數也

陽知陽而不知陰陰知陰而不知陽知陰知陽知止知行知晦知明者其爲元乎

易曰通乎晝夜之道而知故神無方而易無體子路問事鬼曰未能事人焉能事鬼問死曰未知生焉知死一以貫之則兩能通知未能得一則兩不相知矣百姓日用而不知者用之用已不知况夜之不用者

乎

夫一所以摹始而測深也三所以盡終而極崇也二所以參事而要中也

一二三之數必有偶然後成九變有一一則有一二三矣有二二則有二二三矣有三三則有三一二三矣真數一二三成六偶而九變遂成三十六以六用之則爲六六以九用之則爲四九老陰之用老陽之體于是乎見三十有六而策視焉者元用易之用策也

不以其占不若不筮

若得其占而不遵用不如不筮也以用也

翼元卷六畢

